

APPENDICE

Réponses de la S. C. C. à différents doutes relatifs au décret "Ne Temere"

RÉPONSE DU 1^{ER} FÉVRIER 1908

Quæstio hæc, variis difficultatibus implicata ac maximi momenti, proposita primum fuit in plenariis EE. VV. comitiis diei 25 Januarii nuper elapsi. Tunc enim sequentia dubia resolvenda vobis oblata fuerunt, nimirum:

I. — An decreto *Ne temere* adstringantur etiam catholici ritus orientalis. — Et quatenus negative.

II. — Utrum ad eodem decretum extendere expediat. — Et quatenus saltem pro aliquo loco decretum non fuerit extensum.

III. — Utrum validum sit matrimonium contractum a catholico ritus latini cum catholico ritus orientalis, non servata forma ab eodem decreto statuta.

IV. — An sub art. XI, §2, in exeeptione enunciata illis verbis "nisi pro aliquo particulari loco aut regione aliter a S. Sede sit statutum", comprehendatur tantummodo Constitutio "Provida" Pii P. X.; an potius comprehendantur quoque Constitutio Benedictina et cetera ejusmodi indulta elandestinitatem respicientia.

V. — Num in imperio Germaniæ catholici, qui ad sectam hæreticam vel schismaticam transierunt, vel conversi ad fidem catholicam ab ea postea defecerunt, etiam in juvenili vel infanti ætate, ad valide cum persona catholica contrahendum adhibere debeant formam in decreto *Ne temere* statutam, ita scilicet ut contrahere debeant coram parocho et duobus testibus. — Et quatenus affirmative.

VI. — An attentis peculiaribus circumstantiis in imperio Germaniæ existentibus opportuna dispensatione provideri oporteat.